

An tÚdarás Ceadúnúcháin um Bád Iascaireachta Mara

Tuarascáil Bhliantúil 2004

PRN A5/1400

An Roinn Cumarsáide,
Mara agus Acmhainní Nádurtha,
Lána Líosáin, Baile Átha Cliath 2
Éire

Teileafón: -353-1-6782000

Facs: -353-1-6782369

Ríomhphost: seafishingboats@dcmnr.gov.ie

www.dcmnr.gov.ie/Marine/Sea+Fisheries/Fishing+Boat+Licensing

Tuarascáil don Aire Stáit Cumarsáide, Mara agus Acmhainní Nádirtha ar chomhlíonadh feidhmeanna an Údaráis um Bád Iascaireachta Mara sa bhliain 2004, de bhun alt 3(7) den Acht Iascaireachta (Leasú) 2003.

Réamhrá

De bhun alt 3 den Acht Iascaireachta (Leasú) 2003 (Uimh. 21 de 2003), aistríodh feidhmiúchán ceadúnúcháin um bád iascaireachta mara ón Aire Cumarsáide, Mara agus Acmhainní Nádurtha go dtí an Údarás Ceadúnúcháin um Bád Iascaireachta Mara le héifeacht ó 1 Iúil 2003. Mar a shannaítear san Acht sin, is é an tÚdarás Ceadúnúcháin an tArd-Chláraitheoir um Báid Iascaireachta Mara nó, faoi mhaoirseacht an Ard-Chláraitheora, an Leas-Ardchláraitheoir um Báid Iascaireachta.

Cheap an tAire Cumarsáide, Mara agus Acmhainní Nádurtha an tArd-Chláraitheoir agus an Leas-Ardchláraitheoir faoi Rialachán 5 de na Rialacháin um Loingeas Marsantach (Clárú, Litreoireacht agus Uimhriú Bád Iascaireachta) 1997 (S.I. Uimh. 294 de 1997). Is é Aidan Hodson an tArd-Chláraitheoir agus is é James Moloney an Leas-Ard-Chláraitheoir, agus is oifigigh den Roinn Cumarsáide, Mara agus Acmhainní Nádurtha iad araon.

An Cúlra Reachtúil maidir le Ceadúnú agus Clárú

Tá an reachtaíocht a rialaíonn ceadúnú bád iarcaireachta mara leagtha amach in alt 222B (mar atá malartaithe ag alt 4 den Acht Iascaireachta (Leasú) 2003) de Acht Iascaireachta (Comhdhlúthú) 1959. Is iad Cuid IV den Acht um Loingeas Marsantach 1894, mar a leasaíodh, agus na Rialacháin um Loingeas Marsantach (Clárú, Litreoireacht agus Uimhriú Bád Iascaireachta) 1997, reachtaíocht rialaithe chlárucháin bád iascaireachta (cúlghairthe anois agus na Rialacháin um Loingeas Marsantach (Clárú, Litreoireacht agus Uimhriú Bád Iascaireachta) 2005 (S.I. No. 261 of 2005) curtha ina n-áit).

Forálann Acht 2003 go mbeidh an tÚdarás Ceadúnúcháin neamhspleách i gcomhlíonadh a c(h)uid feidhmeanna faoi réir ag:

- (a) an dlí atá i bhfeidhm ag an am maidir le ceadúnúchán bád iascaireachta, ag

cuimsiú, go háirithe, aon oibleageáid ar an Stát de dhroim aon dlí ag institiúid na gComhphobal Eorpach nó aon chomhaontú eile idirnáisiúnta atá ceangailteach ar an Stát, agus

- (b) cibé treoracha polasaí a thabharfaidh an tAire i scríbhinn ó am go ham maidir le ceadúnúchán bád iascaireachta.

Forálann Acht 2003 gur féidir achomharc a dhéanamh le hOigifeach Achomhairc, laistigh de mhí ón gcinneadh, ar aon chinnte ag an Údarás Ceadúnúcháin, ar aon iarratais ceadúnaithe nó ar chúlghairm nó leasú ceadúnais. Is féidir do dhuine atá míshásta le cinneadh an Oifigigh Achomhairc, laistigh de 3 mhí tar éis an chinnte, athbhreithniú dlithiúil ar an gcinneadh a lorg ar an Ard-Chúirt. Tá triúr Oifigeach Achomhairc ceaptha ag an Aire, Niall Beirne BL, Miriam Reilly BL agus Michael Vallely BL.

Chomh maith leis an dlí náisiúnta agus treoracha polasaí ón Aire, tá feidhm suntasach ag dlí an AE ar bhainistíocht loingeas iascaireachta na hÉireann, rud is léir ó fhorálacha an Achta 2003 atá luaite thuas. Éilíonn Rialachán 2371/2002 ar chaomhnú agus ar shaothrú inbhuaine na n-acmhainní iascaireachta faoin gComhpholasaí Iascaireachta ar na Ballstáit bearta a fheidhmiú le hacmhainn a loingeas a cheartú d'fhonn buan chothromaíocht daingean idir a n-acmhainn iascaireachta agus a ndeiseanna iascaireachta. Cumhachtaíonn sé Coimisiún na hEorpa leibhéil tagartha do na Ballstáit ar leith i dtéarmaí tonnáiste (OT) agus cumhacht innill ("kW") don loingeas ar fad iascaireachta faoi bhrat an Bhallstáit. Éilíonn sé ar na Ballstáit féachaint chuige nach sáraítear na leibhéil tagartha seo agus bainistiú a dhéanamh ar iontráil isteach sa loingeas agus imeacht as an loingeas ar chuma, ó 1 Eanáir 2003, go gcúitítear aon acmhainn bhreise sa loingeas gan cúnadh poiblí le réamh-asbhaint den acmhainn chéanna ar a laghad gan cúnadh poiblí. Leagann an Rialachán beartais amach maidir le clár loingeas iascaireachta a coimeád ag na Ballstáit, chomh maith le Clár Loingeas an Chomhphobail, ina mbeidh eolas a sholáthróidh na Ballstáit maidir le tréithíochtaí agus gníomhaíochtaí na soitheach.

Sonraíonn Rialachán an Choimisiúin 1438/2003 den 12 Lúnasa 2003 rialacha feidhmiúcháin maidir le Polasaí Loingeas an Chomhphobail mar atá sainithe do leibhéil tagartha do loingeas iascaireachta na mBallstát. Tá staid loingeas na hÉireann rianaithe thíos.

I 2004 thug Coimisiún na hEorpa forálacha nua isteach maidir le clárú ártach iascaireachta agus tuairisciú na sonraí náisiúnta don Choimisiún. Tá na forálacha seo leagtha amach i Rialachán an Choimisiúin (CE) Uimh. 26/2004 den 30 Nollaig 2003 ar chlár loingeas iascaireachta an Chomhphobail (OJ L 5, 9.1.2004, lch. 25) a tháinig i bhfeidhm ar an 1 Meán Fómhair 2004. Tá eolas maidir le géilliúlacht don Rialachán seo i 2004 tugtha sa tuarascáil seo.

Treoracha Polasaí don Údarás Ceadúnúcháin

Leag Treoir Polasaí 2/2003 a d'eisigh an tAire Cumarsáide, Mara agus Acmhainní Nádirtha ar an 17 Samhain 2003 don Údarás Ceadúnúcháin ag teacht le hAlt 3(2) (b) de Acht 2003 Act amach ollpholasaí ceadúnúcháin um báid iascaireachta mara. Leagadh síos an polasaí seo i bhfianaise na rialacha nua bainistíochta loingis ag an AE agus lean sé ar athbhreithniú ar staid loingeas iascaireachta na hÉireann agus an acmhainn a bhain leis. I gcaitheamh 2004 d'eisigh an tAire trí Threoir eile Polasaí don Údarás Ceadúnúcháin:

- Treoir Pholasaí 1/2004 den 22 Márta 2004. Leasaíonn seo alt H de Threoir Pholasaí 2/2003 a bhaineann le aistarraingt acmhainn malairte maidir le “tonnáiste slán” atá gan réiteach.
- Treoir Pholasaí 2/2004 den 21 Meitheamh 2004 a éilíonn nach mbeidh feidhm ag ceadúnais a eisiúint an tÚdarás Ceadúnúcháin go dtí go ndéantar an bád a iontráil ar Chlár na mBád Iascaireachta. Tháinig an Treoir Pholasaí seo i bhfeidhm ar an 21 Meán Fómhair 2004.
- Treoir Pholasaí 3/2004 den 21 Meán Fómhair 2004 a chaitheann le roinnt ceisteanna maidir le báid iascaireachta i rannóg Ilfhiúsach den loingeas iascaireachta do speiceas peiligeach.

Cur síos ar Loingeas Iascaireachta na hÉireann

Ag teacht le Treoir Polasaí 2/2003, tá catagóiriú déanta ar loingeas iascaireachta na hÉireann i gcúig theascán. Go bunúsach coinníonn an teascánú seo ar an loingeas an teascánú a leagadh síos i gCeathrú Treoir-Chlár Ilbhliantúil an AE, ar cuireadh Rialachán na Comhairle 2371/2002 ina háit, le teascán nua ar Uisceshaothrú. Ach amháin sna cúinsí a sonraítear sa Treoir Polasaí, ní cheadaítear acmhainn a aistriú ó theascán go chéile agus ní mór acmhainn chúitimh a bhaint as an teascán ina bhfuil soitheach nua á cur isteach. Tá cur síos ginearálta ar theascáin an loingis, agus a gcomhdhéanamh i 2004, rianaithe thíos:

- **An Teascán Peiligeach Sáile Reoite (SR):** Bhí 23 soitheach sa teascán seo agus iad ag gabháil den chuid is mó de iascaireacht speiceas peiligeacha (scadán, maicréal, bolmán, agus faoitín gorm den chuid is mó).
- **Teascán na dTrálaer Trasnáin:** Bhí 9 soitheach sa teascán seo agus iad lántiomnaithe do thrálaeracht trasnánach.
- **An Teascán Ilfhiúsach:** Bhí formhór an loingis, thart ar 1,237 soitheach sa teascán seo. Soithí ilfheidhme iad seo, ina measc soithí beaga cladaigh (lucht eangach agus lucht potaí), soithí meánacha agus móra do na farraigí móra a dhíríonn ar éisc gheala, éisc pheiligeacha agus éisc dhéichomhlacha shliogánach. Cuimsíonn an teascán seo chomh maith soithí atá ag dul tríd an bpróiseas ceadúnúcháin agus atá cláraithe faoin Scéim um Cheadúnú Bád Traidisiúnta Iascaireacht Pota i Loingeas Cladaigh na hÉireann. Tá imfhál á chur ar na soithí cladaigh seo, nach ceadmhach dóibh iascaireacht a dhéanamh ach ar speicis neamh-chuóta agus le potaí amháin, laistigh den teascán seo agus ní ceadmhach acmhainn na mbád seo a úsáid áit ar bith eile sa teascán chun críche comhlíonta an réimis iontrála/imeachta as. Tá a thuilleadh eolais faoin Scéim seo tugtha ar leathanach 12. Is ann do líon áirithe bád cladaigh a cheadúnaíodh roimhe seo faoi scéim chladaigh a bhí

faofa ag Coimisiún na hEorpa atá á n-iontráil chomh maith ar Chlár na mBád Iascaireachta laistigh den teascán ilfhiúsach.

- **An Teascán Sainiúil:** Bhí 159 soitheach sa teascán seo, agus é ar a gcumas iascaireacht a dhéanamh ar speiceas sliogánacha déchomhlacha agus uiscethaothruithe. Faoi pholasaí bainistíochta loingis an AE tá an teascán seo faoi réir na scéime iontrála/imeachta anois. Cheana féin, áfach, bhí moratorium, ar leibhéal náisiúnta, ar cheadúnú a thuilleadh soitheach sa teascán seo, ach amháin trí aistriú ceartha ceadúnais a bhí i bhfeidhm cheana féin. Ceapadh an polasaí seo, a bhí i bhfeidhm ó Aibreán 1999, d'fhonn deimhin a dhéanamh de chaomhnú agus saothrú réasúnach ar an stoc de éisc dhéchomhlacha shlogánach.
- **Teascán Uiscethaothrú:** Bhí 8 soitheach sa teascán seo gur gá iad a iontráil ar an gClár um Báid Iascaireachta ach nach bhfuil faoi réir ag an réimeas iontrála/imeachta agus níl an acmhainn atá i gceist faoi rialachas Leibhéal Tagartha an AE. Ní mór na soithí seo a úsáid do bhainistiú, forbairt agus seirbhísiú limistéar uiscethaothraithe amháin ach tig leo sceathrach a bhailiú ó stoic de dhiúilicíní fhiáine mar chuid de sheirbhís do shealúchas uiscethaothraithe, faoi shrianta áirithe, mar a bheidh cinnte i gcomhthéacs Alt 1 de Rialachán 1438/2003 an Choimisiúin.

Géilliúlacht do na Leibhéil Tagartha

Tá na Leibhéil Tagartha do loingias iascaireachta na hÉireann ar an 1 Eanáir 2003 mar atá leagtha síos i Rialachán 1438/2003 an Choimisiúin ná 86,981 OT agus 230,226 kW.

Ar an 1 Eanáir 2004 bhí acmhainn loingias iascaireachta na hÉireann mar a leanas:

Teascán	OT	kW
Ilfhiúsach	43,849	144,532
Peiligeach	32,413	47,127
Trálaer Trasnáin	1,352	5,346
Sainiúil	7,278	30,149
Iomlán	84,892	227,154

Ar an 31 Nollaig 2004 bhí acmhainn loingias iascaireachta na hÉireann mar a leanas:

Teascán	OT	kW
Ilfhiúsach	42,749	135,577
Peiligeach	36,327	47,826
Trálaer Trasnáin	1,450	5,639
Sainiúil	6,271	24,530
Iomlán	86,797	213,572

Ba cheart a thabhairt faoi deara, áfach, go bhfuil na Leibhéil Tagartha agus na figiúir maidir le hacmhainn an loingis iascaireachta mar atá rianaithe thuas sealadach agus is féidir go gceartófar iad. Ní mór na figiúir a athcheartú lena bhfuil anseo thíos a chur san áireamh:

1. Atomhas: Ceadáíonn Rialachán an Choimisiúin 1438/2003 ceartú ar an Leibhéal Tagartha agus ar an staid tonnáiste acmhainne chun ceann a thógáil de chaighdeánú ar thomhas tonnáiste i dtéarmaí Olltonnáiste (OT) ag teacht le Rialachán na Comhairle 3259/94. Cuimsíonn na figiúir acmhainne tonnáiste atá rianaithe thuas don 1 Eanáir 2004 agus don 31 Nollaig 2004 luachanna OT do shoithí ar a deineadh atomhas ón 1 Eanáir 2003 ach go bhfuil na Leibhéil Tagartha fós le ceartú dá réir ag an gCoimisiún Eorpach. Déantar a thuilleadh cur síos ar atomhas loingias iascaireachta na hÉireann ar leathanach 12.

2. Soithí Cladaigh: Beidh gá na Leibhéil Tagartha agus staid na hacmhainne a cheartú agus ar chríochnú an cheadúnaithe agus an chlárúcháin ar na soithí faofa faoin Scéim um Cheadúnú na mBád Traidisiúnta Iascaireacht Pota i Loingias Iascaireachta Cladaigh na hÉireann. Chomh maith leis sin, is gá roinnt bád cladacha a bhí ceadúnaithe faoin scéim chladaigh a bhí roimhe seo ann a iontráil i gClár na mBád Iascaireachta. Bhí thart ar 140 soitheach ag fanacht le chárúchán faoin luathscéim seo, le hacmhainn iomlán de thart ar 475 OT agus 4,200 kW. Déantar soláthar do chlárú bád cladaigh, le deis a cheadú chun na scéimeanna seo a chríochnú, i bhfonóta (1) le hIarscríbhinn I de Rialacháin an Choimisiúin 1438/2003 maidir le leibhéil tagartha do loingis na mBallstát. Tuigtear don Údarás go bhfuil soláthar déanta ag an gCoimisiún do 3,904 OT agus 35,914 kW a chuimsiú i Leibhéil Tagartha na hÉireann i leith chríochnú an chlárúcháin ar na soithí iascaireachta cladaigh atá i gceist. Tugtar a thuilleadh eolais ar dhul chun cinn na hoibre ar an Nuascéim Chladaigh ar leathanach 12.

3. Cinnte Riaracháin: Ceadáíonn Alt 6 de Rialachán an Choimisiúin 1438/2003 go n-airmheofaí i staid acmhainne iascaireachta an loingis ar an 1 Eanáir 2003 acmhainn soithí ag iontráil an loingis bunaithe ar chinnte riaracháin a deineadh idir 1 Eanáir 2000 agus 31 Nollaig 2002, ar chuntar go ndéantar an iontráil nach déanaí ná trí bliana ó dháta an chinnte riaracháin agus nach sáraítear na Leibhéil Tagartha. Ní raibh an soláthar ‘coups partis’ seo, mar a thugtar air uaireanta, ag baint le hábhar i gcomhthéacs na hÉireann ach maidir le huasmhéid de 4,474 OT

(ag éirí as cinneadh riaracháin maidir leis an MFV Veronica a bhaint as an teascán peiligeach i 2002) agus thart ar 3,100 kW (ag éirí as cinnte riaracháin a deineadh maidir leis an teascán ilfhiúsach). Baineadh úsáid as 3,474 OT agus 358 kW maidir le hiontráil aon soitheach déag faoi sholáthar an ‘coups partis’ i 2004. Baineadh úsáid as iomlán de 889 OT agus 2,745 kW i leith iontráil cheithre shoitheach déag sa loingeas faoi sholáthar an ‘coups partis’ i 2003. Is ionann na mór iomláin de 4,363 OT agus 3,103 kW agus iomlán na hacmhainne a iontráil loingeas na hÉireann faoin soláthar ‘coups partis’.

4. Soithí an Teascáin Sainiúil: Agus na Leibhéil Tagartha á ríomh do Éirinn chuimsigh an Coimisiún Eorpach 6,706 TG agus 28,259 kW maidir le soithí sa teascán seo. Meastar don Údarás Ceadúnúcháin áfach go bhfuil na figiúir seo níos lú ná fíor acmhainn na soitheach sa teascán seo ar an 1 Eanáir 2003 agus tá liosta nuashonraithe de na soithí atá i gceist curtha go dtí an Coimisiún. Ní mór dá bhrí sin na leibhéil tagartha a cheartú, ag teacht le fonóta (1) le hIarscríbhinn I de Rialachán an Choimisiúin 1438/2003.

Tá an t-eolas breise seo a leanas ábharthach maidir le géillsine son scéim iontrála/imeachta agus na Leibhéil Tagartha:

- Níor deonadh aon mhéaduithe tonnáiste i 2004 faoi fhorálacha “tonnáiste sábháilteachta” in Alt 11(5) de Rialachán na Comhairle 2371/2002 agus Alt 8 den Rialachán Coimisiúin 1438/2003.
- Níor fhág aon soitheach loingeas na hÉireann le cúnaimh poiblí i 2004.
- Níor faomhadh aon soitheach i loingeas na hÉireann do chúnaimh poiblí maidir le athnuachan agus nua-aoisiú i ndiaidh an 31 Nollaig 2002.

Imeachtaí an Údaráis Cheadúnúcháin i 2004

Iarratais ar Cheadúnais

Fuarthas iomlán de 136 iarrtas bailí ar cheadúnais do bháid iascaireachta mara i rith na bliana. Tharraingeadh siar 4 díobh níos déanaí. Faoi dheireadh na bliana bhí cinnte ceadúnúcháin eisithe maidir le 123 de na hiarratais seo, ar tairiscintú ceadúnais 121 díobh, ar diúltíodh do cheann agus go raibh diólúine ag ceann. Maidir leis na 9 gcinn a bhí fágtha, iarradh breis eolais faoi 4 iarratas agus bhí 5 iarratas fós faoi bhreithniú. Eisíodh 86 tairiscint ceadúnais maidir le hiarratais a fuarthas i 2003, nuair ba ghá ceadúnúcháin a chur ar fionraíocht le fanacht le forbairt ar nuapholasaí ceadúnúcháin don loingeas iascaireachta. Glanadh an riaráiste iarratas a bhí ann de dheascadh fionraíochta 2003 agus faoi dheireadh na bliana bhí measúnú á dhéanamh ar gach aon iarratas laistigh den tréimhse de 3 seachtainí a sainítear i bPlean Gníomhaíochta Seirbhíse Custaiméara na Roinne.

Roimh dheireadh 2004, tar éis do na hiarratasóirí, a bhí i gceist, na riachtanais ceadúnúcháin agus clárúcháin a chomhlíonadh, eisíodh ceadúnais agus deineadh clárú i leith tairiscintí ar cheadúnais a eisíodh i 2003 agus i 2004.

I gcomhphlé le Coimisiún na hEorpa baineadh soiléiriú amach ar na riachtanais tomhaiste tonnáiste. Ansin, tar éis dul i gcomhairle leis an Oifig Suirbhéireachta Mara, tháirg an tÚdarás Ceadúnúcháin foirm nua tomhais do bháid iascaireachta, chomh maith le nótaí teorach, agus eisíodh é le tairiscintí ar cheadúnais.

Clár Loingis

Leanadh i gcaitheamh na bliana ag obair ar ghlanadh riaráiste ar chúrsaí clárúcháin a d'éirigh go príomha ó fhadhbanna teicniúla leis an gcóras ríomh-bhunaithe clárúcháin. I nDeireadh Fómhair, bhain an Coimisiún Eorpach an cosc a bhí ar Éirinn deontais i gcabhair a thabhairt don loingeas iascaireachta. Chuir an Coimisiún an cosc seo ann i 2002 i bhfianaise imní maidir le géillsine do riachtanais chlárúcháin an AE maidir le clárú loingis iascaireachta.

Tháinig an córas nua tuarascála don Chlár Loingis AE i bhfeidhm ón 1 Meán Fómhair 2004. Éilíonn seo ar gach Ballstát ar leith “ala-spleách” ar a loingeas iascaireachta a sheoladh go leictreonach go dtí an Coimisiún Eorpach, in aghaidh na ráithe, ag tosú ar an 1 Meán Fómhair 2004, ina mbeidh na sonraí atá sainithe i Rialachán an Choimisiúin 26/2004 do gach soitheach ar a bhunachar sonraí. Ba ghá don Údarás Ceadúnúcháin athchruth a chur ar a chuid sonraí le freastal ar an bhformáid a leag an Coimisiún síos agus d’eascair deacrachtaí teicniúla as seo gurbh éigean cúnaimh a fháil ó Rannóg Seirbhísí Eolais na Roinne le teacht tharstu.

Atomhas Loingis

Chiollaigh an clár le atomhas a dhéanamh ar Loingeas na hÉireann in Olltonnáiste (OT), a luaitear ar leathanach 8, suirbhéireacht a dhéanamh ar gach soitheach ar leith, ar son Oifig Shuirbhéireachta Mara na Roinne, leis an tonnáiste a bhaint amach i dtéarmaí OT. Bhí sé de chúram ar an Údarás Ceadúnúcháin ansin atheisiúint a dhéanamh ar an gceadúnas bád iascaireachta leis an bhfigiúr tonnáiste leasaithe agus an figiúr tonnáiste a leasú i gClár Bád Iascaireachta na hÉireann. Bhí na soithí ar fad, geall leis, le forfhad de 15 méadar nó níos mó, atomhaiste i OT faoi dheireadh 2003, ach bhí an tÚdarás Ceadúnúcháin sa tóir ar thart ar 20 bád nach raibh atomhas déanta orthu leis an gcúram a thabhairt chun críche. Bhí 30 soitheach eile ann faoi bhun 15 méadar ar ollfhad gur ghá a dtonnáiste a athríomh, ag leanúint ar shoiléiriú ar na riachtanais tomhais leis an gCoimisiún Eorpach. Críochnaíodh an obair seo go luath i 2005.

Báid Phota Chladaigh

Chríochnaigh an Coiste Measúnaithe (comhdhéanta de fhoireann rialúcháin na Roinne agus an Údarás Ceadúnúcháin chomh maith le foireann ó BIM) a chuid oibre ar mheasúnú na n-iarratas a fuarthas faoin Scéim um Cheadúnú Bád Traidisiúnta Pota Cladaigh i Loingeas Cladaigh na hÉireann. Fuarthas thart ar 1200 iarratas. Ar an 6 Iúil eisíodh cinnte ceadúnúcháin do gach iarratasóir faoin Scéim. Eisíodh tairiscintí ceadúnais do 720 iarratasóir agus diúltaíodh tairiscintí ceadúnais do 480 ar an mbonn nár shásaigh siad ceann nó níos mó de chritéir na Scéime. Thionscain cuid díobh sin a fuair eitneach próiseas achomhairc faoi Acht 2003. Fuair an tÚdarás Ceadúnúcháin

fógra faoi 77 achomharc den chineál sin, ó 2 den 3 Oifigeach Achomhairc, faoi dheireadh na bliana. Bhí an tríú Oifigeach fós le fógra a thabhairt don Údarás Ceadúnúcháin faoi achomhairc a bhí faighte aige. Deineadh cinnte ar 28 achomharc roimh dheireadh na bliana, agus chinn an tOifigeach Achomhairc 7 achomharc eile a bheith neamhbhailí.

Sábháilteacht na mBád Iascaireachta

Ar na leasuithe a deineadh ar an reachtaíocht maidir le ceadúnú bád iascaireachta in Acht 2003 tá foráil go bhfuil cosc ar an Údarás Ceadúnúcháin ceadúnas bád iascaireachta a dheonadh gan measúnú neamhspleách a bheith déanta ag duine ceartcháilithe, faofa ag an Údarás Ceadúnúcháin, ag dearbhú chun sástachta an Údaráis Cheadúnúcháin go bhfuil an bád i staid sábháilte agus muiracmhainneach. Tar éis comhairliúcháin phoiblí, thug an Stiúrthóireacht Sábháilteachta Mara cód cleachtais isteach i mBealtiane 2004 ar shábháilteacht bád iascaireachta faoi 15m ar ollfhad agus d'fhoilsigh liosta de shuirbhéirí a bhí údaraithe le géilliúlacht dó a dhearbhu. Ansin chuir an tÚdarás Ceadúnúcháin foláireamh le tairiscintú ceadúnais do na báid a bhí i gceist go soláthrófaí dearbhú géillsine don chód mar choinníoll ceadúnaithe.

Córas Comhtháite Faisnéise Iascaireachta (CCFI)

Tugadh cur síos i dtuairisc bhliantúil 2003 ar an gcóras nua ríomhbhunaithe eolais a bhí molta lena thabhairt isteach ar gach aon ghné de bhainistiúicht na hiascaireachta. Lean foireann an Údaráis Cheadúnúcháin de bheith rannpháirteach san obair maidir le forbairt agus tástáil an chórais nua sula dtabharfaí isteach é. Chomh maith céanna dhein foireann an Údaráis Cheadúnúcháin obair leis na bunachair shonraí a bhí ann cheana féin a ullmhú le haistriú go dtí an córas nua.

Suíomh Idirlín

Ag teacht le halt 3(8) den Acht Iascaireachta (Leasú) 2003, lean an tÚdarás Ceadúnúcháin chun ag féachaint le nuashonrú rialta ar eolas ar iarratais ar cheadúnais agus ar chinnte ceadúnúcháin a fhoilsiú ar shuíomh idirlín na Roinne (www.dcmnr.gov.ie).

Achomhairc

Faoi dheireadh na bliana bhí fógra faighte ag an Údarás Ceadúnúcháin maidir le 78 achomharc in aghaidh cinnte a taisceadh leis na hOifigigh Achomhairc. Bhain 77 de na hachomhairc le tairiscint ar cheadúnas a dhiúltú faoin Scéim Cheadúnaithe Do Bháid Traidisiúnta Iascaireachta Pota Cladaigh i Loingear Cladaigh na hÉireann agus bhain ceann amháin le coinníoll ceadúnais i gceadúnas. Deineadh cinnte ar 28 achomharc faoin Scéim Phota Chladaigh faoi dheireadh na blian, agus chinn an tOifigeach Achomhairc 7 gcás eile a bheith neamhbhailí. Tá ainmneacha na n-achomharcóirí, na nOifigeach Achomhairc a bhí i gceist agus cinntí na nOifigeach Achomhairc foilsithe ar shuíomh idirlín na Roinne.

Socruithe foirne agus eagraíochta

Lasmuigh den Ard-Chláráitheoir agus an Leas-Ardchláráitheoir, is iad seo a leanas na hacmhainní foirne a cuireadh ar fáil don Údarás:

- 1 Príomhoifigeach Cúnta (ó Nollaig 2003 go Meán Fómhair 2004)
- 2 Ard-Oifigeach Feidhmiúcháin
- 3 Oifigeach Feidhmiúcháin
- 1 Oifigeach Foirne
- 2 Oifigeach Cléireachais.

Tugtar cúnamh don Údarás Ceadúnúcháin chomh maith i gcomhlíonadh a chuid feidhmeanna tríd an gceangal leanúnach atá ann le Rannán Polasaí agus Forbartha Bia Mara agus Rannán Rialaithe Bia Mara na Roinne chomh maith le rannáin lárnaacha na Roinne.

Táim buíoch den Leas-Ardchláráitheoir, an tUasal James Moloney, agus d'fhoireann an Údaráis Cheadúnúcháin, agus de rannáin eile na Roinne, as a dtacaíocht agus a gcúnamh lena chur ar chumas an Údaráis Cheadúnúcháin a chuid feidhmeanna a chur i gcrích.

Aidan Hodson

Ard-Chláráitheoir na mBád Iascaireachta

Meitheamh 2005

